

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

R J E Š E N J E

po Prijavi namjere koncentracije privrednih subjekata Saudi Arabian Oil Company, Baoshan Iron& Steel., Ltd. i Public Investment Fund

**Sarajevo,
Oktobar, 2023. godine**



Broj: UP-05-26-1-014-19/23
Sarajevo, 24.10.2023. godine

Konkurencijsko vijeće Bosne i Hercegovine na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednih subjekata Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije, Baoshan Iron& Steel., Ltd., 885 Fujin Road, Baoshan District, Šangaj, Narodna Republika Kina i Public Investment Fund, Public Investment Fund Tower, King Abdullah Financial District (KAFD) 6789 Al Aqeeq district, Riyadh 13519, Kraljevstvo Saudijske Arabije, podnesenoj dana 05.05.2023. godine pod brojem: UP-05-26-1-014-1/23, na 127. (stotinudvadesetsedmoj) sjednici održanoj dana 24.10.2023. godine, donijelo je

R J E Š E N J E

1. Ocjenjuje se dopuštenom koncentracija na tržištima proizvodnje i prodaje teških čeličnih ploča i proizvodnje i prodaje direktno reduciranog željeza u Bosni i Hercegovini, koja će nastati stvaranjem potpuno funkcionalnog društva putem zajedničkog ulaganja na dugoročnoj osnovi privrednih subjekata Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije, Baoshan Iron& Steel., Ltd., 885 Fujin Road, Baoshan District, Šangaj, Narodna Republika Kina i Public Investment Fund, Public Investment Fund Tower, King Abdullah Financial District (KAFD) 6789 Al Aqeeq district, Riyadh 13519, Kraljevstvo Saudijske Arabije.
2. Ovo Rješenje o koncentraciji se upisuje u Registar koncentracija.
3. Obavezuju se privredni subjekti Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije, Baoshan Iron& Steel., Ltd., 885 Fujin Road, Baoshan District, Šangaj, Narodna Republika Kina i Public Investment Fund, Public Investment Fund Tower, King Abdullah Financial District (KAFD) 6789 Al Aqeeq district, Riyadh 13519, Kraljevstvo Saudijske Arabijeda plate administrativnu taksu na Rješenje u iznosu od 5.000,00 KM u korist Budžeta institucija Bosne i Hercegovine.
4. Ovo Rješenje je konačno i biće objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je, dana 05.05.2023. godine pod brojem: UP-05-26-1-014-1/23, zaprimilo Prijavu koncentracije (u daljem tekstu: Prijava) privrednih subjekata Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije, Baoshan Iron& Steel., Ltd., 885 Fujin Road, Baoshan District, Šangaj, Narodna Republika Kina i Public Investment Fund, Public Investment Fund Tower, King Abdullah Financial District (KAFD) 6789 Al Aqeeq district, Riyadh 13519, Kraljevstvo Saudijske Arabije, podnesenu putem punomoćnika, advokata Nihada Sijerčića iz Sarajeva, Fra Anđela Zvizdovića 1/B2 1, 71000 Sarajevo, Bosna i Hercegovina, u kojoj se navodi da imaju namjeru osnivanja potpuno funkcionalnog društva za zajedničko ulaganje, aktivnog u proizvodnji i prodaji teških čeličnih ploča i direktno reduciranog željeza u Kraljevini Saudijskoj Arabiji i regiji Bliskog istoka i Sjeverne Afrike, u

smislu člana 12. stav (1) tačka c) Zakona o konkurenciji („Službeni glasnik BiH“, br. 48/05, 76/07 i 80/09) - (u daljem tekstu: Zakon).

Pravni osnov namjeravane koncentracije je Ugovor članova društva (u daljem tekstu: Ugovor), zaključen dana 21.04.2023. godine između privrednih subjekata Saudi Arabian Oil Company, Baoshan Iron& Steel, Ltd. i Public Investment Fund, kojim se predviđa stvaranje potpuno funkcionalnog društva za zajedničko ulaganje (u daljem tekstu: Društvo), na način da će nakon sprovođenja predložene transakcije, privredni subjekti Saudi Arabian Oil Company, Baoshan Iron & Steel Co., Ltd. i Public Investment Fund, svaki posjedovati po 25% (Saudi Arabian Oil Company), 50% (Baoshan Iron Steel Co., Ltd.) i 25% (Public Investment Fund).

Prijava namjere koncentracije je podnesena u zakonom propisanom roku, u smislu člana 16. stav (1) Zakona.

Uvidom u Prijavu, utvrđeno je da ista ne sadrži sve potrebne dokumente i informacije, te su punomoćniku Podnosioca prijave upućeni zahtjevi kojim se traži dopuna, i to aktima br.: UP-05-26-1-014-2/23 od dana 22.05.2023. godine, UP-05-26-1-014-10/23 od dana 20.07.2023. godine i UP-05-26-1-014-11/23 od dana 26.07.2023. godine.

Podnosioci prijave su dostavili sljedeće podneske kojima je izvršena dopuna Prijave: podnesak broj: UP-05-26-1-014-3/23 zaprimljen dana 31.05.2023. godine, podnesak broj: UP-05-26-1-014-5/23 zaprimljen dana 09.06.2023. godine, podnesak broj: UP-05-26-1-014-6/23 zaprimljen dana 16.06.2023. godine, podnesak broj: UP-05-26-1-014-7/23 zaprimljen dana 23.06.2023. godine i podnesak broj: UP-05-26-1-014-12/23 zaprimljen dana 26.07.2023. godine.

U prijavi se navodi da su Podnosioci prijave istu podnijeti, ili planiraju da podnesu, relevantnim tijelima za zaštitu konkurencije Albanije, Narodne Republike Kine, COMESA (Common Market for Eastern and Southern Africa), Evropske unije, Republike Srbije, Južne Koreje, Turske, Ukrajine i Vijetnama.

Konkurencijsko vijeće je, u skladu sa članom 16. stav (4) Zakona, dana 03.08.2023. godine u dnevnim novinama objavilo Obavještenje o podnesenoj prijavi koncentracije (akt broj: UP-05-26-1-014-13/23 od 31.07.2023. godine)-(u daljem tekstu: Obavještenje), u kojem su prikazani podaci o namjeravanoj koncentraciji, te su pozvani svi zainteresovani privredni subjekti koji djeluju na navedenim relevantnim tržištima, kao i na drugim tržištima na kojima bi predmetna koncentracija mogla imati efekat, te druge institucije ili udruženja koje imaju relevantna saznanja o navedenim tržištima, da mogu dostaviti pisane primjedbe i mišljenja.

U Odnosu na na naprijed navedeno Obavještenje, Konkurencijsko vijeće nije zaprimilo primjedbe, mišljenja ili eventualne komentare.

Konkurencijsko vijeće je u smislu člana 30. stav (3) Zakona, izdalo Potvrdu o kompletnoj i urednoj prijavi broj: UP-05-26-1-014-17/23 dana 24.10.2023. godine.

1. Učesnici koncentracije

Učesnici koncentracije su privredni subjekti Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije, Baoshan Iron& Steel, Ltd., 885 Fujin Road, Baoshan District, Šangaj, Narodna Republika Kina i Public Investment Fund, Public Investment Fund Tower, King Abdullah Financial District (KAFFD) 6789 Al Aqeeq district, Riyadh 13519, Kraljevstvo Saudijske Arabije.

1.1. Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije (Saudi Armaco)

Privredni subjekt Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije (skraćeni naziv: Saudi Armaco), dioničko je društvo osnovano Kraljevskim dekretom br. M/8 dana 13.11.1988. godine, u skladu sa zakonima Kraljevine Saudijske Arabije, i sa privrednim registarskim brojem društva: 2052101150.

Vlasnički udio Vlade Kraljevine Saudijske Arabije u privrednom subjektu Saudi Armaco iznosi 90,18%.

Privredni subjekt Saudi Armaco se prvenstveno bavi ispitivanjem, istraživanjem, bušenjem i vađenjem ugljovodikovih supstanci, te preradom, proizvodnjom, rafinacijom i marketingom ovih supstanci.

Privredni subjekt Saudi Armaco nema registrovanih podružnica u Bosni i Hercegovini, ali je prisutan putem marketinga i prodajom ugljikovodika i derivata, uglavnom polietilena, polipropilena i etilen glikola.

(..)*¹.

1.2. Baoshan Iron& Steel., Ltd., 885 Fujin Road, Baoshan District, Šangaj, Narodna Republika Kina (Baosteel)

Privredni subjekt Baoshan Iron& Steel., Ltd., 885 Fujin Road, Baoshan District, Šangaj, Narodna Republika Kina (skraćeni naziv: Baosteel), je društvo ograničene odgovornosti, organizovano po zakonima Narodne Republike Kine, listirano na Šangajskoj berzi (600019) pod jedinstvenim matičnim brojem: 013000063169682C.

Privredni subjekt Baosteel se nalazi u većinskom vlasništvu od 62,29% privrednog subjekta China Baow Steel Group Corporation Limited, proizvođača čelika osnovanog, i sa sjedištem, u Narodnoj Republici Kini, koji je nadalje u 100% vlasništvu Državnog vijeća Komisije za nadzor i upravljanje imovinom u kineskom državnom vlasništvu.

(..)*

1.3. Public Investment Fund Tower, King Abdullah Financial District (KAFD) 6789 Al Aqeeq district, Riyadh 13519, Kraljevstvo Saudijske Arabije (PIF)

Public Investment Fund Tower, King Abdullah Financial District (KAFD) 6789 Al Aqeeq District, Riyadh 13519, Kraljevstvo Saudijske Arabije (skraćeni naziv: PIF), predstavlja državni fond osnovan 1971. godine, u skladu sa Kraljevskim dekretom br. M/92.

PIF predstavlja državni fond Kraljevine Saudijske Arabije, te posjeduje direktne i indirektne investicije u većem broju industrijskih sektora u Kraljevini Saudijskoj Arabiji i širom svijeta, uključujući prehranu i poljoprivredu, energetiku, finansijski sektor, proizvodnju, nekretnine, logistiku i digitalni sektor.

(..)*.

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primijenilo odredbe Zakona, Odluke o načinu podnošenja prijave i kriterija za ocjenu koncentracija privrednih subjekata („Službeni glasnik BiH“, broj 34/10) i Odluke o utvrđivanju relevantnog tržišta („Službeni glasnik BiH“, broj 18/06 i 34/10).

Konkurencijsko vijeće, na osnovu člana 43. stav (7) Zakona, može koristiti sudsku praksu Evropskog suda i odluke Evropske komisije, kao i kriterije i standarde iz Uredbe Vijeća EK broj 139/2004 o kontroli

¹ (..)* - Podatak predstavlja poslovnu tajnu

koncentracije između privrednih subjekata, Obavještenje Evropske Komisije o konceptu koncentracija privrednih subjekata, te Smjernice za ocjenu horizontalnih /vertikalnih koncentracija.

3. Pravni osnov i oblik koncentracije

Kao pravni osnov ove koncentracije Podnosioci prijave su, u smislu člana 30. stav (1) tačka a) Zakona i člana 9. tačka f) Odluke o načinu podnošenja prijave i kriterijumima za ocjenu koncentracija privrednih subjekata, dostavili Ugovor članova društva, zaključen dana 21.04.2023. godine između privrednih subjekata Saudi Arabian Oil Company, P.O. Box 5000, Dhahran, Postal Code 31311, Kraljevstvo Saudijske Arabije, Baoshan Iron& Steel., Ltd., 885 Fujin Road, Baoshan District, Šangaj, Narodna Republika Kina i Public Investment Fund, Public Investment Fund Tower, King Abdullah Financial District (KAFFD) 6789 Al Aqeeq district, Riyadh 13519, Kraljevstvo Saudijske Arabije.

U dostavljenom Ugovoru se, između ostalog, navodi da strane u Ugovoru konstatuju svoju namjeru da osnuju Društvo, kao subjekat koji može nezavisno voditi svoje poslovne aktivnosti. Prema odredbama Ugovora, Saudi Armaco, Baosteel i PIF će vršiti zajedničku kontrolu nad predloženim zajedničkim ulaganjem, a suštinsku kontrolu će imati privredni subjekt Baosteel, na koju će se primjenjivati prava za privredni subjekt Saudi Armaco i Public Investment Fond, predviđena samim Ugovorom.

Osnovni kapital Društva iznositi će (..) *, sa koeficijentom vlasništva 50% (Baosteel), 25% (Saudi Armaco) i 25% (PIF).

Predloženo zajedničko ulaganje će razvijati, upravljati i održavati pogone za proizvodnju i prodaju teških čeličnih ploča i direktno reduciranog željeza, sa predviđenim trajanjem od najmanje 30 godina, uz automatsko obnavljanje za uzastopne periode od deset godina, osim ako se svi članovi pismeno ne suglase da neće produženje.

Pravni oblik koncentracije Podnosilac prijave predstavlja zajedničko ulaganje na dugoročnoj osnovi, u smislu člana 12. stav (1) tačka c) Zakona.

4. Obaveza prijave koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

U skladu sa članom 2. stav (1) tačka a) Odluke o načinu podnošenja prijave i kriterijumima za ocjenu koncentracija privrednih subjekata, učesnici koncentracije sa sjedištem i prebivalištem u inostranstvu su obavezni prijaviti namjeravanu koncentraciju ukoliko su ispunjeni uslovi iz člana 14. stav (1) tačka a) i b) Zakona.

Ukupni godišnji prihodi privrednih subjekata, učesnika namjeravane koncentracije, na dan 31.12.2022. godine, su sljedeći:

Tabela br. 1

Ukupni godišnji prihod u 2022. godini (KM)			
	Saudi Armaco	Baosteel	PIF
BiH	(..)*	(..)*	(..)*
Svijet	(..)*	(..)*	(..)*

Izvor: Podaci iz prijave

** Prikazani prihodi su ostvareni distribucijom proizvoda putem zavisnih društava koji su registrovani izvan Bosne i Hercegovine*

Prema navedenim podacima (Tabela 1.) privredni subjekti učesnici koncentracije ispunjavaju uslove ukupnog godišnjeg prihoda, iz člana 14. stav (1) tačka a) i b) Zakona.

5. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Prema članu 3. stav (3) Zakona, relevantno geografsko tržište obuhvata cjelokupan ili značajan dio teritorije Bosne i Hercegovine na kojem privredni subjekti djeluju u prodaji i/ili kupovini relevantnog proizvoda i/ili usluga pod jednakim ili dovoljno ujednačenim uslovima i koji to tržište bitno razlikuju od uslova konkurencije na susjednim relevantnim geografskim tržištima.

Podnosioci prijave su predložili da tačna definicija relevantnog tržišta ostane otvorena, s obzirom da planirano zajedničko ulaganje neće imati efekta na konkurenciju u Bosni i Hercegovini, odnosno da niko od učesnika koncentracije nema aktivnosti u Bosni i Hercegovini, a koje su od značaja za predloženu transakciju. Ipak, radi odredbi Zakona koje se odnose na definiranje relevantnog tržišta, Podnosioci prijave su predložili da se relevantno tržište proizvoda definiira kao:

- Proizvodnja i prodaja teških čeličnih ploča i
- Proizvodnja i prodaja direktno reduciranog željeza.

U pogledu relevantnog geografskog tržišta, Podnosioci prijave navode da se relevantno geografsko tržište može definirati kao nacionalno tržište Bosne i Hercegovine ili kao šire evropsko tržište, a da u svakom slučaju definicija relevantnog geografskog tržišta može ostati otvorena, zbog naprijed navedenih razloga.

Iako se predmetna Prijava odnosi na zajedničko ulaganje koje neće imati efekta na konkurenciju u Bosni i Hercegovini, te koje neće učestvovati na tržištu Bosne i Hercegovine, prilikom čega će isto imati efekat na tržištima u Kraljevini Saudijskoj Arabiji i regiji Bliskog istoka i Sjeverne Afrike, Konkurencijsko vijeće je temeljem relevantnih odredbi Zakona i Odluke o utvrđivanju relevantnog tržišta, odnosno uzevši u obzir opseg Zakona o konkurenciji, kao relevantno geografsko tržište predmetne koncentracije utvrdilo tržište Bosne i Hercegovine.

S obzirom na naprijed navedeno, kao relevantno tržište predmetne koncentracije se određuju tržište proizvodnje i prodaje teških čeličnih ploča i tržište proizvodnje i prodaje direktno reduciranog željeza u Bosni i Hercegovini.

5.1. Analiza relevantnog tržišta

Podaci koji se odnose na učesnike koncentracije na relevantnim tržištima proizvodnje i prodaje teških čeličnih ploča i proizvodnje i prodaje direktno reduciranog željeza u Bosni i Hercegovini, iskazani su u tabeli br. 2:

Tabela br.2

R.b.	Privredni subjekt	Tržišno učešće u 2022. godini (%)
1.	Saudi Armaco	(..)*
2.	Baosteel	(..)*
3.	Public Investment Fund	(..)*

Izvor: Podaci iz Prijave

Na osnovu naprijed navedenog, utvrđuje se da učesnici koncentracije u 2022. godini, na relevantnom tržištu (..)*, te da tržišna učešća istih na relevantnom tržištu iznose (..)*.

6. Ocjena koncentracije

Konkurencijsko vijeće je, analizom relevantnih podataka, u smislu člana 17. Zakona, ocijenilo da provođenjem predmetne koncentracije neće doći do stvaranja dominantne pozicije učesnika koncentracije na teritoriji Bosne i Hercegovine, uzimajući u obzir da predloženo zajedničko ulaganje, koje će biti osnovano u Kraljevini Saudijskoj Arabiji, neće biti aktivno u Bosni i Hercegovini.

Analizom dostavljenih podataka i pravnog osnova koncentracije, može se konstatovati da će zajedničko ulaganje učesnika koncentracije istima omogućiti da iskoriste sinergiju između svojih poslovnih subjekata, kako bi poboljšale obim, kvalitet i pouzdanost proizvodnje teških čeličnih ploča i direktno reduciranog željeza. Nadalje, (..)*. Ova investicijska prilika za razvoj kompleksa za proizvodnju čeličnih ploča će služiti prvenstveno industrijskim sektorima.

Slijedom navedenog, provođenje predmetne koncentracije neće imati bilo kakve efekte na cijene, kvalitet relevantnih proizvoda ili potrošače u Bosni i Hercegovini, u smislu poboljšanja izbora ili inovativnog potencijala.

7. Administrativna taksa

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», broj 30/06, 18/11 i 75/18), je dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

Podnosilac prijave je dužan dokaz o obavljenoj uplati administrativne takse dostaviti prije ili prilikom preuzimanja ovog rješenja, u skladu sa članom 3. st. (1) i (2) pod b) Odluke o visini administrativnih taksi u vezi sa procesnim radnjama pred Konkurencijskim vijećem.

U slučaju da Podnosilac prijave ne izvrši uplatu administrativne takse, Konkurencijsko vijeće će putem Pravobranilaštva Bosne i Hercegovine zatražiti prisilnu naplatu iste.

8. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednica

Adisa Begić

Dostavljeno:

- **Podnosilac prijave**
- **U spis**